

鹿谷鄉舉人林鳳池傳略

林文龍

南投縣之竹山鎮與鹿谷鄉二地，爲全縣中開發最早之地區，遠在永曆十八年八月，鄭經之世，即有延平郡王部將右弼參軍林杞率衆屯田於此，當時之地名爲二重埔。杞至後乃築柵以居，斬荆棘，逐豺狼，慘淡經營，備經艱難困苦，然而該地原爲生番水沙連社游獵之區，番失地心有不甘，輒來襲，杞皆却之，至二十二年十月，番傾社來襲，不敵被殺，并所部數十人，居民合葬之，爲念林杞開闢之功，易其地爲林杞埔（註一），即今之竹山鎮，林杞歿後未久，其黨徒繼進以墾大坪頂，即今之鹿谷鄉，因當時草昧未開，加上有清濁二溪之險，外人罕至，所以康熙五十六年周鍾瑄纂修諸羅縣志時，誤林杞埔之名爲林環埔，稱「由斗六門山口東入，渡阿拔泉，又東入爲林環埔，亦曰二重埔，土廣而饒，環以溪山，爲水沙連及內山出入之口，險阻可據」，又稱「竹脚寮山，內有林環埔，漢人耕作其中」（註二）爲林杞埔最早見於文獻之記載，雍正元年設彰化縣，乃將林杞埔大坪頂連同內山諸社，合併爲沙連堡，光緒十三年，新置雲林縣，將內山諸社劃爲埔裏社廳，故雲林縣之沙連堡，實際上只剩今竹山鹿谷二鄉鎮。雖然沙連之開發最早，但因地理環境之影響，居民大都務農，故教育仍極爲低落。道光十二年，始由南投縣丞朱懋延請南北投、水沙連兩保士紳，議建藍田書院，（註三）而書院址設南投街，故沙連之士子前往就學者甚少，致沙連自開闢至道光末季，從無登科第者，咸豐五年始有大坪頂粗坑莊人林鳳池中試乙卯科舉人爲沙連之破天荒，亦清季沙連唯一之文學人。

林鳳池，字文翰，誕生於道光三年癸未，先世由龍溪渡臺，居彰化屬沙連堡大坪頂粗坑莊，世代業農，父林傑早逝，寡母陳氏守節撫孤，道光二十九年，經蒙旌表節孝，獲頒「欽褒節孝流芳」匾額一方，今猶高懸林氏舊宅。林氏幼即師事社寮莊張日華先生（名煥文，號

郁亭，咸豐六年恩貢生），每日自粗坑翻山至社寮求學。相傳林氏幼年資稟甚鈍拙，每爲同窗所嘲笑，於是倍加勤奮，終於得中爲彰化縣學附生，以咸豐乙卯科中式第九十名舉人。今文魁匾額尚存竹山林氏家廟崇本堂，茲錄如次：「欽命兵部右侍郎巡撫福建呂爲。文魁。咸豐五年鄉試中式舉人九十名林鳳池立」。林氏中舉後，以所稱粗坑莊名稱不雅，乃易名初鄉，取「初登鄉榜」之義。雲林縣採訪冊云：「連興宮……咸豐丙辰年孝廉林鳳池勸捐重修」，丙辰爲咸豐六年，即林氏中舉之次年，乃與訓導陳希亮、郁社社職員陳希白、武生陳朝魁、陳彩龍、貢生陳慕固，林易芳等地方士紳，倡議重修連興宮（註四），并重修祖祠、暨旗竿（註五），至八年戊午始援例授內閣中書加侍讀即補廣東分府，其父林傑亦獲追封爲文林郎，迨母陳氏歿，合葬於初鄉莊內，墓前立有旗竿臺暨墓道碑，碑文云：「皇清贈文林郎林公諱傑暨淑配旌表節孝陳氏太孺人之墓道」。十一年辛酉臘月，與文社諸生倡建聖蹟亭於開漳聖王廟旁（註六），蓋以社寮爲其幼時求學之地也。同治元年壬戌，彰化戴潮春起事，時林氏方自北京會試歸，而彰化舉人陳肇興（字伯康，著有陶村詩稿），避亂集集內山，奉命聯莊拒賊，乃以七律三首寄林氏，其一云：「砲火連宵枕上聽，可憐豺虎尙奇零，一身作客如張儉，四海爲家類管寧，銜石有心悲怨羽，負山無力泣秋螟，思量欲獻平戎策，獨立檐前看將星」，其二云：「同病相憐鬢欲華，戰場回首骨如麻，心羞秦帝思投海，義激韓讎已無家，蕭索山林愁日暮，飄零弟妹感天涯，艱難一樣藏身苦，忍淚吞聲避虎牙」，其三云：「蔓延賊勢正猖披，大廈真非一木支，民不聊生嗟已晚，天如此醉醒何時，投膠莫止黃河濁，破產難求博浪椎，自愧杜陵空痛哭，先鞭望汝快驅馳」。同年二月二十二日，陳肇興乃在北投堡義首林錫爵家之倚南軒，招林氏暨邱位南（字石莊，彰化舉人

（簡化成（字榮卿，北投堡舉人），貢生洪玉崑等士紳及各莊巨姓頭人宴集，計議防亂事宜（註七），林氏自北投堡歸後，乃率諸生陳上治（字熙朝，林杞埔生員）、陳貞元（沙仔崙廩生）、林克安（林杞埔生員），等倡舉義旗，邀永春州庠生廖秉鈞從事（時廖在林杞埔主於例貢生陳慕同家）（註八），九月，斗六破，臺灣掛印總兵林向榮仰藥死，戴潮春乃遣戴彩龍劉守入據沙連。同治二年四月二十八日，林氏乃與陳肇興、邱位南、陳上治、廖秉鈞、南投堡義首陳雲龍、吳聯輝、牛牯嶺義首陳捷三、北投堡簡化成、林錫爵、沙仔崙陳貞元約以六堡同日樹義旗，是日林氏所部與賊匪交戰於林杞埔，不克，廖秉鈞被執不屈，五月初旬被殺於斗六門，陳肇興有詩哀之，至七月義民始將林杞埔收復。

林氏之戰績於吳德功戴案紀略有詳細之記載，「七月二十二日：……時埔社諸賊聞六堡樹白幟，擁象聚集集莊，陳雲龍會同陳捷三率義民數千猛攻，沙連舉人林鳳池率義民夾擊，斬首百餘級，羣賊退札水社」，「八月……羣賊以六堡歸官，與斗六不通聲息，再行擁衆數千，將集莊圍繞，番仔寮陳雲龍、牛牯嶺陳捷三、沙連林鳳池各率義民猛攻斬首二百餘級，溪水爲赤」。蔡青筠戴案紀略所記略同，云：「七月二十二日陳雲龍攻克集莊，斬首百餘級，時埔裏社諸賊聞六堡之民樹白幟，大駭，麇聚集莊，圖再大舉，陳雲龍知之，與陳捷三率義民五千餘人攻之，咸死戰不退，忽水沙連舉人林鳳池引兵來助，賊大敗」。有劉建成者，亦沙連大坪頂人，本教讀爲業，聞林氏倡舉義旗，遂投入麾下，當劉守攻沙連之時，林氏令建成以大義說之，賊怒而縛之，同治三年五月初旬遇害（註九）。

關於林氏之生平，從雲林縣採訪冊之傳中，亦可知其大概，爲錄於此：「林鳳池，字文翰，沙連大坪頂人，祖籍龍溪，師事日華張先生，篤志嗜學，事父母以孝聞，教人嚴整有威，嘗以力學爲訓，登咸豐乙卯賢書，會試授內閣中書，同治元年壬戌之變，戴逆猖獗，陷彰，以沙連扼嘉彰險要，令股逆戴彩龍爲都督劉守以賊兵據之，孝廉會試歸，率諸生立保全局，招集鄉壯義民；約以聯莊拒賊，沙連得

不爲賊所凌夷者，孝廉之力也，事聞前臬道丁奏獎，以通判補用，賞戴藍翎，後卒於天津會館，年四十九」（按：前臬道丁即臺澎兵備道兼提督學政丁日健，字述安，安徽舉人）。

林氏死亡之原因，雲林縣採訪冊未載，鄉人說法不一，謂林氏於戴亂平定後，因功將陞爲布政（按：車就察賢德可嘉碑暨墓碑官銜俱作欽加布政銜），而入京待命，居於天津會館，爲戴萬生殘黨置毒於茶中而喪命，或謂爲同僚所忌而置毒茶中，由此觀之，林氏死於非命之成分居大。林氏死後葬在初鄉莊內，今初鄉國小旁之稻田中，坐東朝西，墓碑全文如次：「同治庚午年吉置。欽加布政銜授奉政大夫例授即補廣東分府賞戴藍翎鄉進士加內閣中書侍讀諡文勤林公之佳城。男作楫作生作樂作駒降服男作哲作勵孫等同立石」。林氏死於天津，距故鄉有數千里之遙，故今鄉人均謂林氏在廣東任內曾在該地娶妾，迨死後妾氏乃將林氏葬在內地，而初鄉莊之墓乃葬以衣冠而已，（按：袁簡齋妹歿於江寧隨園，祭文有「離吾鄉七百餘里」「勢難歸葬」等語，以簡齋之富，尙有此嘆，況林氏死於天津，而臺灣又孤懸海外，交通不便，由此可知鄉人說法並非無稽）。

林氏之舊宅在今鹿谷鄉初鄉村內，庭前尚有旗竿臺兩座，甚爲高大，聞昔日臺旁種有荔枝樹，爲林氏自廣東移植於此者，惜多年前已伐除。其後裔林游龍先生，藏有林氏畫像一軸，堂上懸有「欽褒節孝流芳」匾額，除此而外，已別無遺蹟可尋矣。

註一 參閱臺灣通史陳永華列傳林杞埔傳撫臺志。

註二 見諸羅縣志山川、外紀。

註三 見臺灣通史教育志，藍田書院碑記。

註四 見連興宮龍柱題名。

註五 見重修崇本堂碑記。

註六 見社寮聖顯亭碑記。

註七 見陶村詩稿卷七。

註八 見雲林縣採訪冊沙連堡廖秉鈞傳。

註九 見雲林縣採訪冊沙連堡劉建成傳。